

# Filemón

## Pablo Filemo waĩcugure gojanugapu

<sup>1</sup>Yũhu Pablo Jesucristo yagu yu áriri dipuwaja peresugue árĩgu iiaa. Yũhu, mari acaweregu Jesu yagu Timoteo mera mure Filemore gojabeoa gna. Mũhu gna mahigu Cristo yare guare mohmetamugu ahraa mũhu. <sup>2</sup>Eropirã Jesu yarã mu ya wi gamenererã sãre gojabeoa gna. Mari mahigo mari acawerego Jesu yago Apia sãre gojabeoa gna. Arquipo sãre gojabeoa gna. Arquiporu gna iro dopa Cristo yare weregu ahrimi. <sup>3</sup>Eropirã Goãmu mari Pagu, mari Opu Jesucristo mera mure oãdorea. Igu itamuri mera oaro árĩque mna.

## Filemo gajirãre igu mahirire, Cristore igu umupeorire werepu Pablo

<sup>4-5</sup>Yu acaweregu, Filemo, mure guña Goãmure mure serēbasamuraa. Eropa serēbasagu “Õhaa,” arãa yũhu igure. Cristore mu mahicũ igure mu umupeocũ gajirã Jesu yarãre mu mahicũ peeabu yũhu. Eropigu Goãmure “Õhaa,” arĩ mucubiria. <sup>6</sup>Cristore mari umupeorire gajirãre weregu ahraa mũhu. Mu eropa árĩgu árĩcũ i sãre serēbasaa Goãmure. Jesucristo yarã árĩrã wũaro oarire oparãca mari. Irire mu opaburire oaro mure masipehodoregu serēbasaa Goãmure. <sup>7</sup>Acaweregu, gajirãre mu mahicũ peegu mucubiria yũhu. Áriphererã Goãmu yarãre oaro siporã turacũ iigu waĩcna mũhu. Mu eropa iicũ peegu mucubiria yũhu.

## Pablo Onésimo ya árĩburire serēpu Filemore

<sup>8-10</sup>Eropigu dohpaguere Onésimore mu pohro majagu árĩdigure mure serēbasadiaa. Peresugue gna árĩrã Cristo yare werebu yũhu igure. Irire peegu Cristore gahmeami igu. Eropigu igu Goãmu yagu wahãmi. Eropa wagu yu magu iro dopa ahrimi. Eropigu yu bugu árĩgu Cristo yare yu buhera dipuwaja peresu árĩgu mure Onésimo mera werebeogura igure mu iiburire. Cristo igu buhedore igu apidigu ahraa yũhu. Eropa árĩgu, árĩgu igure mu iiburire mure dorebu ahraa yũhu. Eropa árĩgu árĩqueregu ta mure doresome yũhu. Mahiri mera mure werebeogura iripēta.

<sup>11</sup>Cristo yagu igu árĩboro core Onésimo mu pohro majagu árĩgu duhpihu árĩbiridigu árĩmi. Mure oaro itamubiridigu árĩmi. Dohpague tamerare yure

õaro itamugu àhrimi. Mũ sãre õaro itamugu árigucumi. Dohpaguere bu árigu gohra áribeami. <sup>12</sup>Eropigu dohpaguere igure mure wiagu iiaa. Iguere turaro mahia. Igu yu turaro mahigure mure wiagu iiaa. <sup>13</sup>Iguere mure wiabiricũ igu yu pohro dujaboñumi. Õari buherire yu buheri dipuwaja peresu yu áritisubu igure yure itamudoreboya yuhũ. Eropigu yu mera dujadoreboya yuhũ. Mũpũ yure itamumasibiricũ igupũ mure gohrotogu áriboñumi. <sup>14</sup>Eropa áriquerẽcũ mure wiagu iiaa igure. Mũhũ igure “Dujaque,” mũ aribeocũ, igure dujadoreboya. Yũpũ mure “Yũ pohro igure apique,” aridiabirica. Eropigu igure mure wiagu iiaa. <sup>15</sup>Igu Onésimo mure bajamenurigã igu mure duhrigãra pũhũ dipaturĩ mũ mera árigucumi daja. Igu mure duhricũ Goãmũ gamero dopa ta wahaũ, arĩ pepia yuhũ, igu Jesu yagu igu áriborore. Eropigu mũ pohro árigu daja õaro áriniguicumi. <sup>16</sup>Eropigu igu dohpaguere mũ pohro majagu gohra áribeami. Pohro majarã tauñariro árigu àhrimi igu yu pepicũre. Dohpaguere igu mũ acaweregu Jesu yagu àhrimi. Eropigu igure turaro mahia. Mũpũ yu tauro igure mahique. Mũ eropa mahigu mũ pohro majagu igu áriqueregu ta mũ pohro majagu gohra áribeami igu. Igu mũ acaweregu Jesucristo yagu àhrimi.

<sup>17</sup>Eropigu yure mũ bocatĩridiro dopa ta igu sãre õaro bocatĩrique. Mũ mera majagu yu áricũ igu sãre õaro bocatĩrique. <sup>18</sup>Eropigu gajiropa mure igu iicũ, mure igu wajamogu áricũ yũpũ irire wajayegũra. <sup>19</sup>Yuhũ Pablo yu basi ire were gojagũra: Yũpũ wajayegũra mure. Mure yu buhera pũhũ Cristo yagu mũ wacũ áripehrerinũri Goãmũ mera áribu àhraa mũhũ. Mure yu eropa buhera waja mũ sã yure wũaro wajamogu áriboca. Mũ eropa áriquerẽcũ ta mure wajayegũra igu mure wajamorire. <sup>20</sup>Eropigu yu acaweregu, yu mahigu, mari Opũ Cristo yagu àhraa mũhũ. Mũ eropa árigu Onésimore õaro bocatĩrique. Cristo yagu árigu yu acaweregu àhraa mũhũ. Eropa árigu, árigu yure õaro mucubiricũ iique.

<sup>21</sup>I yu wererare õaro iigũca mũhũ. Eropigu yu werera tauro iigũca mũhũ. Irire masigu mure gojabeogu iiaa. <sup>22</sup>I sãre weregũra mure: Mũa pohrogue yu waborore Goãmũre mũa serẽbasarare igu yũhribocumi. “Áũ,” igu aricũ gahmea yuhũ. Eropigu mũa pohrogue yu ejaburi toẽre amuyuque mũhũ.

### Pablo õadoretupũ Filemore

<sup>23</sup>Epaфра mure õadoremi. Igupũ Cristo yare igu iira dipuwaja yu mera peresu árigu àhrimi. <sup>24</sup>Eropirã Marco, Aristarco, Dema, Luca yu mera mure õadorema. Cristo yare yu buhecũ erãpũ yure itamurã àhrima.

<sup>25</sup>Mari Opũ Cristo mera õadorema mũare. Igu mũare õaro iigucumi. Eropa ta iiporo. Iripẽta àhraa.